

Banteras jenayah jalan raya

Satu bengkel khas untuk pengguna jalan raya akan diadakan sebagai sebagai inisiatif

KUALA LUMPUR - Kementerian Pengangkutan ber-cadang mengadakan satu bengkel khas untuk pengguna jalan raya sebagai inisiatif membantu membanteras jenayah di jalan raya.

Menterinya, Datuk Seri Ong Tee Keat berkata, kementerian melalui Majlis Keselamatan Jalan Raya akan bekerjasama dengan agensi lain seperti Jabatan Pengangkutan Jalan (JPJ), Jabatan Keselamatan Jalan Raya (JKJR), polis dan badan-badan bukan kerajaan (NGOs) mengkaji untuk mewujudkan modul tersebut.

Katanya, inisiatif sedemikian perlu untuk melengkapkan pengguna jalan raya dengan pengetahuan ketika menghadapi kecemasan.

"Bengkel juga menawarkan panduan mengelak menjadi mangsa jenayah dan langkah yang boleh diambil ketika menghadapi kecemasan.

"Saya berharap kita da-



● Tee Keat (tengah) meletakkan pelekat yang mengandungi tip-tip pemanduan berhemah di cermin belakang Sunlight Radio Taxi pada majlis pelancaran 'Kempen Pemanduan Pintar dan Slot Info Trafik Baharu antara Radio24, Sunlight Radio Taxi dan Persatuan Pengguna Islam Malaysia (PPIM) di Wisma Bernama, semalam.

pat membuat satu modul pembelajaran yang pendek, tepat dan padat untuk meningkatkan keselamatan pengguna jalan raya, khususnya pemandu pengangkutan awam contohnya pemandu teksi turut menjadi sasaran jenayah seperti samseng jalan dan rompakan, khususnya ketika mereka bekerja pada tengah malam," katanya kepada wartawan di Wisma Bernama di sini.

Terdahulu Tee Kiat menyaksikan tandatangan persefahaman antara Bernama Radio24, pengusaha teksi Sunlight Radio Taxi Sdn Bhd dan Persatuan Pengguna Islam Malaysia (PPIM) bagi mewujudkan satu program baru - Info Trafik KL @939 di Radio24.

Menerusi program itu, pemandu teksi Sunlight akan berkongsi maklumat secara langsung tentang

keadaan trafik semasa di sekitar Lembah Klang dengan pendengar Radio24, dalam slot yang akan ke udara pada jam 6 pagi hingga 10 pagi dan 4 petang hingga 8 malam dari Isnin hingga Jumaat.

Beliau berkata, bengkel tersebut akan dimulakan dengan pemandu-pemandu teksi sebelum diperluas kepada pengguna-pengguna jalan raya yang lain secara berperingkat-peringkat.

Katanya, bengkel sedemikian juga pernah beliau anjurkan khas untuk kaum wanita sebelum ini bagi memberi kesedaran dan pengetahuan kepada mereka ketika menghadapi kecemasan.

Pada majlis yang sama, Tee Kiat turut melancarkan kempen keselamatan jalan raya bertemakan 'Kempen Pemanduan Pintar', di mana 1,000 teksi Sunlight yang beroperasi di Lembah Klang akan mempamerkan stiker-stiker yang mengandungi tip-tip pemanduan berhemah. - Bernama